



MÉ A VÎV IN UN ŽARDÉN

Di Mario Generali

Mâma, papà, a s gé una, mateña
A vâg vi come sâmpèr, ste tranquèll.
A salutè cån la mân, par nó, cån la maneña
E al scumparé dai nuster ucc, acsé, in un spèll.

A riprenden la vétta quotidièna,
cån al nostri abitudin, al solito tran, tran,
a n'avivan inciôn mutiv d'esser in campèna,
che d'una vétta sudisfata, avivan al pan.

Ma ch'al dé lé quech cõsa l'andé stòrt.
A s'arrivé, come al câulp d'una manèra,
la nutèzia che noster fiòl l'è môrt,
ch'an l'abbrazarån mai pió, sâura a sté tèra.

A s'guarden pietrifichè. L'è una busì,
a n pôl brisa esser vaira, i s'en sbagliè,
dal vòlt al suzed che, per n'omonimî,
i scambian fra dâu parsôn l'identitè.

E invèzi nô, invèzi nô, purtròp,
sta volta la cånta la s'è tuchèda a nó,
a nó i s'han destinè a purter só al gròp,
una tragedia ch'an s'livarån pió só.

A n spòl brisa azetèr che in un secånd,
dapp a tant sacrifezzi e a tant sudâur,
a dvänta bûr incosa, a t cròla al mând,
e a t vén da dir: in duv'iret nostra Sgnâur.

I s'han dè d'intander che t'ir un pedar bãn,
all'impruvvis cu s'a t it mess a fèr al màt,
parché propri a nó, tanta disperaziån,
ed divers da chi ètar cus'a t'avagna fàt.

Ta s'aviv parfèn bandàtt al spusalèzzi,
Ta sè da pardunèr s'avain l'ardîr
Ed pinsèr , e a t' zurån ch'a l né un caprézzi,
d'esser stè abbandunè, tradé e tòlt in gîr.

Mâma, papà, curâg, par caritè,





mé a v capess, al dulâur al v'ha cunfûs,
ma a n'avî brisa da essar disperê,
mé a vîv in un zardén ed pêś, ed lûś,

A sâñ e sarò sâmpër vostar fiôl,
adesa pió che mai a v s tagh asvén,
in una comuniâun sâñza parôl,
dove l'amâur ch'a v pôrt, al n'ha cunfén.

A un trôv cån noster Sgnâur, fra tant amig,
a d'aspteruv, parché l'ariva al dé,
che dapp a tant tribulèr, tanti fadig,
insamm cuntént, a s truvârån tott qué.

IO VIVO IN UN GIARDINO

Mamma, papà, ci disse una mattina,
vado via come sempre, state tranquilli,
ci salutò con la mano, per noi con la manina,
e sparì dai nostri occhi così, in uno spillo.

Riprendemmo la vita quotidiana,
con le nostre abitudini, il solito tran, tran,
non avevamo motivo d'essere in campana,
che di una vita soddisfatta avevamo il pane.

Ma quel giorno lì qualche cosa andò storto.
Ci arrivò come il colpo di una mannaia,
la notizia che nostro figlio era morto,
che non l'abbraceremo mai più su questa terra.

Ci guardammo pietrificati...è una bugia...
Non può essere vero si sono sbagliati,
a volte succede che, per un'omonimia,
scambiano fra due persone l'identità.

Invece no, invece no, purtroppo,
questa volta la conta è toccata a noi.
A noi hanno destinato di portare sul groppo,
una tragedia che non ci alzeremo più su.

Non si può accettare che in un secondo,
dopo tanti sacrifici e tanto sudore,
diventa buio tutto, ti crolla il mondo
e ti viene da dire: Dov'eri nostro Signore?





Ci han dato ad intendere che eri un padre buono.
All'improvviso cosa ti sei messo a fare il matto,
perché proprio a noi tanta disperazione,
di diverso dagli altri, cosa t'abbiamo fatto?

Ci avevi persino benedetto lo sposalizio.
Ci devi perdonare se abbiamo l'ardire
Di pensare, e ti giuriamo che non è un capriccio,
di essere stati abbandonati, traditi e presi in giro.

Mamma, papà, coraggio, per carità,
io vi capisco, il dolore vi ha confuso,
ma non dovete essere disperati,
io vivo, in un giardino di pace, di luce.

Sono e sarò sempre vostro figlio,
adesso più che mai vi sto vicino,
in una comunione senza parole,
dove l'amore che vi porto non ha confini.

Mi trovo con nostro Signore, fra tanti amici,
ad aspettarvi, perché arriva il dì,
che dopo tanto tribolare, tante fatiche,
insieme contenti, ci troveremo tutti qui.

